


欽定四庫全書

子部

備急千金要方卷五十六

七六



詳校官太醫院醫士臣程泰

編修臣倉聖脈覆勘

備急千金要方卷之五十一

肺癰方

肺癰方

肺癰方

肺癰方

肺癰方

唐 孫思邈 撰

宋 林億等 校正

及有濁唾涎沫出何也

師曰病熱在上焦因欬

從痲渴小便利數或從

便難數被駛藥下重亡津液故得肺痿又寸口脉不出而反發太陽脉早索陰脉不澀三焦踟躕入而不出陰脉不澀身體反冷其內反煩多唾脣燥小便反難此為肺痿傷於津液便如爛瓜下如脉腦但坐發汗故也其病欲欬不得欬欬出乾沫久久小便不利其脉平弱肺痿吐涎沫而不欬者其人不渴必遺溺小便數所以然者上虛不能制下故也此為肺中冷必眩師曰肺痿欲唾咽燥欲飲者自愈自張口者短氣也

甘草乾薑湯溫臟治肺痿多涎唾小便數肺中冷必眩
不渴不欬若渴者屬瘠渴法上虛下不能制溲服此湯已小溫
覆之方

甘草四兩

乾薑二兩集驗肘後有大棗十二枚

右二味咬咀以水三升煮取一升半去滓分二服

甘草湯治肺痿涎唾多出血心中溫溫液液方千金翼名溫液

湯

甘草二兩咬咀以水三升煮取一升半去滓分三服

生薑甘草湯治肺痿欬唾涎沫不止咽燥而渴方

生薑

五兩

甘草

四兩

人參

三兩

大棗

十二枚

右四味㕮咀以水七升煮取三升去滓分三服

桂枝皂莢湯治肺痿吐涎沫不止方

去芍藥加皂莢

桂枝

生薑

各三兩

甘草

二兩

皂莢

一兩

大棗

十五枚

右五味㕮咀以水七升煮取三升去滓分三服

麻黃湯治肺脹欬而上氣咽燥而喘脉浮者心下有水

方

麻黃

芍藥

生薑

仲景用乾薑

細辛

桂心

各三兩

半夏

五味子

各半升

石膏

四兩

右八味㕮咀以水一斗煮取三升分三服

仲景名此為小青龍

加石膏湯用甘草三兩為九味

肺癰第七

論方

論曰病欬唾膿血其脉數實者屬肺癰虛者屬肺痿欬而口中自有津液舌上胎滑此為浮寒非肺痿若口中

辟辟燥欬即胸中隱隱痛脉反滑數此為肺癰也問曰
病者欬逆師脉之何以知為肺癰當有膿血吐之則死
後竟吐膿死其脉何類何以別之師曰寸口脉微而數
微則為風數則為熱微則汗出數則惡寒風中於衛呼
氣不入熱過於榮吸而不出風傷皮毛熱傷血脉風舍
於肺其人則欬口乾喘滿咽燥不渴多唾濁沫時時振
寒熱之所過血為凝滯蓄結癰膿吐如米粥始萌可救
膿已成則難治寸口脉數趺陽脉緊寒熱相搏故振寒

而欬跌陽脉浮緩胃氣如經此為肺癰師曰振寒發熱寸口脉滑而數其人飲食起居如故此為癰腫病醫反不知而以傷寒治之不應愈也何以知有膿膿之所在何以別知其處師曰假令膿在胸中者為肺癰其脉數欬唾有膿血設膿未成其脉自緊數緊去但數膿為已成也

桔梗湯治欬胸中滿而振寒脉數咽乾而不渴時時出濁唾腥臭久久吐膿如粳米粥是為肺癰者方

桔梗

三兩集驗用二兩
古今錄驗用一兩

甘草

二兩

右二味咬咀以水三升煮取一升去滓分二服必吐

膿血也

一方有款冬
花一兩半

瀉肺湯治肺癰喘不得臥方

葶藶

三兩
為末

大棗

二十
枚

右二味先以水三升煮棗取二升去棗內藥一棗大

煎取七合頓服令盡三日服一劑可至三四劑治肺

癰胸脇脹一身面目浮腫鼻塞涕出不聞香臭欬

逆上氣喘鳴迫塞未進此方宜先服小青龍湯却服
前藥其青龍湯方在十八卷

黃昏湯治欬有微熱煩滿胸心甲錯是為肺癰者方

黃昏手掌大一片是合昏皮也咬咀以水三升煮取
一升分二服

又方

薏苡仁

瓜瓣半升

桃仁

五十枚

葦莖

切二升水二斗
煮取五升去滓

右四味咬咀內葦汁中煮取二升服一升當有所見
吐膿血

飛尸鬼疰第八

論方
灸法

論曰凡諸心腹痛服衆方熱藥入腹寂然不動但益氣
息急者此尸疰病也宜先服甘草汁一升消息少時服
瞿麥湯盡一劑得下便覺稍寬并暴癥堅結宿食及女
人血堅痛發作無定者神良

五疰湯治卒中賊風遁尸鬼邪心腹刺痛大脹急方

大黃

甘草各三兩

當歸

芍藥各二兩

烏頭十枚

生薑

蜜各一斤

桂心四兩

右八味咬咀別漬大黃以水九升煮取三升烏頭別內蜜中煎令得一升拌湯中去滓分服三合如人行三十里久更進一服日三不止加至四合

蜈蚣湯治惡症邪氣往來心痛徹背或走入皮膚移動不定苦熱四肢煩疼羸乏短氣方

蜈蚣一枚

牛黃一分

大黃二兩

丹砂

人參各三分

細辛

鬼臼

當歸

桂心

乾薑各一兩

黃芩

麝香各半兩

附子四枚

右十三味咬咀以水一斗煮取三升去滓下牛黃麝

香分三服

治卒中惡賊風寒冷入腹便絞痛或飛尸遁尸發作無

時搶心胸滿脇痛如刀刺口噤者方

甘草

乾薑

茯苓

乾地黄

羊脂

當歸

細辛

各一兩

芍藥

吳茱萸

桂心

各二兩

梔子仁

十五枚

右十一味咬咀以水八升煮取三升去滓內脂烱盡

分三服欲利者加大黃三兩

治卒中惡風角弓反張或飛尸遁尸心腹絞痛者方

乾地黄

茯苓

芎藭

當歸

甘草

各一兩

吳茱萸

桂心

乾薑

芍藥

各二兩

梔子仁

十四枚

右十味㕮咀以水八升煮取三升分三服痛甚者加

羊脂三兩當歸人參芍藥各一兩心腹堅急加大黃

三兩

桃皮湯治中惡氣心腹痛胸脇脹滿短氣方

桃白皮

一握東引者

真珠

附子

各一兩

梔子仁

十四枚

當歸

三兩

吳茱萸

豉

各五合

桂心

二兩

右八味㕮咀以水五升煮取二升去滓內真珠末分

作二服一方無當歸以下四味

桃奴湯治中惡諸尸蠱症心腹卒絞痛方

桃奴

當歸

人參

乾薑

各二兩

芫薺

甘草

各三兩

丹砂

麝香

茯苓

犀角

鬼箭羽

桂心

各一兩

右十二味咬咀以水九升煮取二升半去滓分二服

未食服大便不通腹滿者加大黃三兩芒硝二兩治胡

有雄黃一兩

無丹砂芫薺

治卒中風寒冷溫氣入腹虛脹急滿搶心胸脇又痛氣
息不通脉弦緊汗不出及得傷寒方

吳茱萸

當歸

麻黃

獨活

甘草

桔梗

茯苓各二兩

桂心

青木香

石膏

大黃

犀角各三兩

右十二味咬咀以水九升煮取三升分三服日三

治風冷氣入腹忽絞痛緊急如吹大小便閉小腹有氣
結如斗大脹滿起其脉弦老者沉遲方

瞿麥

當歸

猪苓

鬼箭羽

桔梗

防己

海藻

吳茱萸

芎藭各二兩

桂心

大黃各三兩

一用犀角二兩

右十一味咬咀以水九升煮取三升分三服

治諸雜症相連續死亦治三十年衆症方

桃根白皮一斤咬咀以水二斗煮取一斗去滓分八

九服須令二日服盡

崔氏用桃根白皮治症在心腹痛不可忍者

又方擣桃仁二七枚研酒服

又方小芥子末雞子白和傅

尸疰鬼疰者即五尸之中尸疰又挾諸鬼邪為害者也其變動乃有三十六種至九十九種大畧令人寒熱淋瀝沉沉默默不的知其所苦而無處不惡累年積月漸就頓滯以至於死死後復疰易傍人乃至滅門覺如此候者宜急療之方

獺肝一具陰乾治下篩水服一方寸七日三如一具

不瘥更作

小附著散治飛尸賊風發時急痛不在一處針則移發
一日半日乃瘥須更復發者方

細辛

甘草一作莽草

天雄各一分

桂心三分

附子

烏頭

乾薑各一兩

雄黃

真珠各半兩

右九味治下篩酒服方寸匕不知稍增以知為度胡洽

有蜀椒四分不用桂心附子

大附著散治五尸症忤與前狀同者方

黃芩

由跋

椒目

細辛

雄黃

乾薑

黃連

金牙

犀角

麝香

牛黃

天雄

桂心

兩各半

真珠

分三

蜈蚣

一枚

右十五味治下篩酒服一錢七日三以知為度

大金牙散治一切症病

方見別卷中

金牙散治鬼症風邪鬼語尸症或在腰脊胸脇流無常

處不喜見人志意不定面脫色目赤鼻張唇乾甲黃者
方

金牙

雄黃

鐵精

野葛

露蜂房

芎藭

大黃

甘草

曾青

蛇蛻皮

真珠

丹砂

簡茹

乾漆各一分

石長生

狸骨一作鶴骨

桔梗

鬼臼

鬼箭羽

鬼督郵

椒目

烏頭

狼毒

蕪荑

藜蘆

雷丸

鼈甲

滑石

各二分
作消石

毒公

胡燕屎

牛黃

各三分

人參

狼牙

寒水石

桂心

各四分

石膏

五分

蜈蚣

蜥蜴

附子

各一枚

蟻娘

亭長

各七枚

元青

徐長卿

斑猫

各十枚

貝母

二枚

右四十五味治下篩先食以酒服一升日再不知

漸加之蟲隨大小便出

崔氏名蜀
金牙散

白朮散治風入臟腑悶絕常自躁痛或風疰入身冷疰
鬼疰飛尸惡氣腫起或左或右或前或後或內或外針
灸流移無有常處驚悸腹脹氣滿心頭痛或恍惚悲懼
不能飲食或進或退陰下濕癢或大便有血小便赤黃
房中勞極方

白朮十四枚

附子

秦艽

人參

牡蠣

蜀椒

細辛

黃芩

芎藭

牛膝各三分

乾薑

桂心

防風各五分

茯苓

桔梗

當歸

獨活

柴胡各四分

烏頭

甘草

麻黃

石南

莽草

栝蒌根

天雄

杜仲各二分

右二十六味治下篩平旦酒服五分七訖如人行七

里久勢欲解更飲酒五合為佳

太乙備急散治卒中惡客忤五尸入腹鬼刺鬼疝及中

蠱症吐血下血及心腹卒痛腹滿傷寒熱毒病六七日

方

雄黃

桂心

芫花

各二兩

丹砂

蜀椒

各一兩

藜蘆

巴豆

各一分

野葛

三分

附子

五分

右九味巴豆別治如脂餘合治下篩以巴豆合和更
搗合和調置銅器中密貯之勿泄有急疾水服錢五
匕可加至半錢匕老小半之病在頭當鼻衄在膈上
吐在膈下利在四肢當汗出此之所為如湯沃雪手

下皆愈方宜秘之非賢不傳

龍牙散治百症邪鬼飛尸萬病方

龍牙

茯苓

各二兩半

雄黃

棗膏

芍藥

各五分

乾地黄

石斛

胡燕屎

各三分

鬼箭羽

烏頭

羌活

露蜂房

曾青

真珠

桂心

杏仁

防風

桃奴

鬼臼

鸛骨

各一兩

人參

大黃

各一兩半

白朮

二兩

蘓子四合

銅鏡鼻

甘草

橘皮

芎藭

鬼督郵

遠志

鼈甲各半兩

狸陰二具

蜈蚣一枚

右三十三味治下篩酒服一斗圭以知為度當有蟲

從大便出

治鬼疰蠱疰毒氣變化無常者方

犀角

麝香

丹砂

雄黃

蜈蚣

鮫魚皮

丁香

鹿角

龍骨

藁荷根

蜀椒

乾薑

各一分

貝子一枚

右十三味治下節酒服方寸匕加至二七日三

備急散治卒中惡風氣忤迷絕不知人

方見別卷三味備急丸是

治暴心痛面無顏色欲死者方

以布裹鹽如彈丸大燒令赤置酒中消服之利即愈

治蠱疰方

燒猫兒屎灰水服之

用雄猫兒

黑奴散治卒得惡症腹脹方

釜下墨合一 鹽合二

右二味合治以水一升半煮取八合一服令盡須臾吐下即瘥

治哭症方

梳齒間刮取垢水服之

又方

亂髮兩一 臘月豬脂合一

右二味取豬脂煎髮令消烱服之蟲死矣

又方熬大豆帛裏熨之

治一切病食症方

凡食上得病
名為食症

取釜下土雞子大為末酢泔清一升和服之行五十

步吐即瘥

又方還取本食種數多少相似各少許和合布裏燒灰
如杏仁大水服之

鶴骨圓治遁尸飛尸積聚胃痛連背走無常處或在臆

或腫在腹或奄奄然而痛者方

鶴骨

寸三

丹砂

一作丹參

牡蠣

一作牡丹

雄黃

莽草

各四分

藜蘆

桂心

野葛

各二分

斑猫

芫青

各十四枚

巴豆

十四枚

蜈蚣

一枚

右十二味為末蜜丸如小豆每服二九日三以知為

度

蜥蜴圓治癥堅水腫飛尸遁尸寒尸喪尸尸疰骨血相

注惡氣鬼忤蝮毒邪氣往來夢寤存亡流飲結積虎狼

所齧癩犬所咋鳩毒入人五臟服藥以殺其毒毒即消
婦人邪氣鬼忤亦能遣之之方方與積聚篇重

蜥蜴

蜈蚣各二枚

蝨蟲

杏仁各三十枚

地膽

五十枚

麤蟲

四十枚

朴硝

巴豆各七分

澤漆

鬼督郵

桑赤雞

桃奴

犀角各二分

乾薑四分

虎骨六分

甘草一兩

芍藥

甘遂各五分

款冬花三分

蜚蠊十四枚

右二十味別治巴豆杏仁如膏內諸藥末研調下蜜

搗二萬杵丸如麻子大食前服三九日一不下加之
不取吐下者一九旦服有人風冷症癖堅二十年得
愈

桔梗圓治毒症鬼症食症冷症痰飲宿食不消酒癖諸
病

桔梗

藜蘆

皂莢

巴豆

附子
各二兩

右五味為末蜜和搗萬杵丸如梧子宿不食平旦飲

服二丸仰臥服勿眠至食時膈上吐膈下下去惡物
 如科斗蝦蟇子或長一二尺下後當大虛口乾可作
 雞羹飲五合太極飲食粥一升三四日病未盡更服
 忌如藥法

十疰圓治十種疰氣疰勞疰鬼疰冷疰生人疰死人疰
 尸疰食疰水疰土疰等方

雄黃

巴豆

各二兩

人參

甘草

麥門冬

細辛

一作藁本

桔梗

附子

皂莢

蜀椒各一兩

右十味末蜜丸如梧子大空腹服五九日再稍加以知為度

太乙神明陷冰圓治諸病破積聚心下支滿寒熱鬼症長病欬逆唾噫辟除眾惡鬼逐邪氣鬼擊客忤中惡胸中結氣咽中閉塞有進有退繞臍絞痛惻惻隨上下按之挑手心中愠愠如有蟲狀毒症相染甚至滅門者方

雄黃

桂心

丹砂

礬石

一作礬石

藜蘆

大黃各二兩

元青五枚

真珠

附子各一兩半

麝香

人參

犀角

鬼臼

射罔

牛黃各一兩

蜈蚣

蜥蜴各一枚

烏頭八枚

杏仁三十枚

斑猫

樗雞

地膽各七枚

當歸三兩

巴豆一分

右二十四味為末蜜和搗三萬杵丸如小豆先食服

二丸日再不止稍增以藥二丸著門上令衆邪不近

傷寒服之無不愈若至病家及視病人夜行獨宿服

二丸衆邪不能近也

胡洽無元青桂心真珠麝香人參犀角烏頭射罔蜥蜴樗雞牛

黃當歸只十二味與積聚篇重

江南度世圓治萬病癥結積聚伏尸長病寒熱症氣流行皮中久病著牀肌肉消盡四肢煩熱嘔逆不食傷寒時氣惡症汗出口噤不開心痛方

蜀椒

三兩

人參

細辛

甘草

各二兩

茯苓

真珠

大黃

乾薑

丹砂

野葛

桂心

雄黃

麝香

鬼白各一兩

烏頭

牛黃各二分

附子

紫苑各六分

巴豆六十枚

蜈蚣二枚

右二十味為末蜜丸如小豆飲服二丸加至四九日

二加獺肝一具尤良

大度世圓治萬病與前狀同者方

牛黃

大黃

雄黃

細辛

附子

真珠

甘草

人參

射罔

丹砂

鬼白

莽草各一兩

蜀椒

麝香

鬼箭羽

茯苓

桂心

紫苑各二兩

乾薑三兩

野葛一尺

蜥蜴

蜈蚣各一枚

地膽五十枚

元青二十枚

樗雞三十枚

巴豆仁八十枚

右二十六味為末蜜丸如小豆飲服二九日二先食

服之

治疰病相染易及霍亂中惡小兒客忤長病方

獺肝一具

蜈蚣一枚

麝香一分

雄黃

莽草

丹砂

鬼臼

犀角

巴豆

大黃

牛黃各一兩

右十一味末蜜丸如麻子空腹服二九至三九以止

為度

雷氏千金圓治行諸氣宿食不消飲食中惡心腹痛如

刺及瘡方

消石三分

大黃五分

桂心

乾薑各二兩

巴豆仁六十枚

右五味為末搗三千杵蜜丸如大豆服二丸神驗無比已死者拆齒灌之

治卒得尸疰毒痛往來方

杏仁

亂髮灰各等分

右二味研如脂丸如梧子每服酒下三九日三

姚氏猪膏

和丸

治遁尸尸疰心腹刺痛不可忍者方

桂心

乾薑各一兩

巴豆仁二兩

右三味治下篩以上酢和如泥傅病上乾即易之

治遁尸尸疰心腹及身有痛處不得近者方

取艾小按令碎著痛上厚一寸餘熱湯和灰令強熱
置艾上冷即易不過二三度瘥

治遁尸飛尸又治暴風毒腫流入四肢頭面方

白芥子一升蒸熟擣以黃丹二兩攪和分作兩分用
疎布袋盛更蒸使熟以薄痛上當更迭蒸袋常使熟
薄之如此三五度即定

治人皮膚中痛名曰癥疰方

醋和燕窠土傅之

治走疰方

燒車釭令熱暫入水以濕布裹熨病上

治三十年氣疰方

豉心半升

生椒一合

右二味以水二升煮取半升適寒溫用竹筒縮取汁令病者側臥手擘大孔射灌之少時當出惡物此法

垂死悉治得瘥百千不可具說

灸法

凡五尸者飛尸遁尸風尸沉尸尸疰也今皆取一方兼治之其狀腹痛脹急不得氣息上衝心胸傍攻兩脇或累塊踊起或攣引腰背治之之法灸乳後三寸男左女右可二七壯不止者多其壯數取愈止 又灸兩手大姆指頭各七壯 又灸心下三寸十壯 又灸乳下一寸隨病左右多其壯數 又以細繩量患人兩乳頭內

即裁斷中屈之又從乳頭向外量使當肋罅於繩頭炎
三壯或七壯男左女右卒症忤攻心胃炎第七椎隨年
壯 又灸心下一寸三壯 又灸手肘文隨年壯一切
病食症灸手小指頭隨年壯男左女右五毒症不能飲
食百病灸心下三寸胃管十壯

水症口中經云肺來乘腎食後吐水灸肺輸 又灸三

涌水

陰交 又灸期門穴在乳下二肋間瀉肺補腎也各隨
年壯一切症無新久先仰臥灸兩乳邊邪下三寸第三

肋間隨年壯可至三百壯又治諸氣神良一名疰市

備急千金要方卷五十六

欽定四庫全書

備急千金要方卷五十七 唐 孫思邈 撰

宋 林億等 校正

大腸腑方

大腸腑脉論第一

論曰大腸腑者主肺也鼻柱中央是其候也肺合氣於
大腸大腸者為行道傳寫之腑也號監倉椽重二斤十
二兩長一丈二尺廣六寸當臍右回疊積還反十二曲

貯水穀一斗二升主十二時定血脉和利精神千金明堂外臺

同難經云長二丈一尺大四寸徑一寸鼻遂以長以候
之少半十六曲盛穀一斗水七升半

大腸

右手關前寸口陽絕者無大腸脉也若少氣心下有水

氣立秋節即欬刺手太陰治陰在魚際間

右手關前寸口陽實者大腸實也若腸中切痛如針刀

所刺無休息時刺手陽明治陽在手腕中瀉之

大腸病者腸中切痛而鳴濯濯冬日重感于寒則泄當

臍而痛不能久立與胃同候取巨虛上廉

腸中雷鳴氣上衝胃脇不能久立邪在大腸刺育之原
巨虛上廉二里

大腸脹者腸鳴而痛寒則泄食不化

大腸有寒驚澹有熱便腸垢

大腸有宿食寒慄發熱有時如瘡狀

肺前受病移於大腸肺欬不已欬則遺失便利厥氣客
於大腸則夢田野

肺應皮皮厚者大腸厚皮薄者大腸薄皮緩腹裏大者
大腸緩而長皮急者大腸急而短皮滑者大腸直皮肉
不相離者大腸結

扁鵲云手太陰與陽明為表裏大腸若病實則傷熱熱
則脹滿不通口為生瘡食下入腸腸實而胃虛食下胃
胃實而腸虛所以實而不滿乍實乍虛乍來乍去虛則
傷寒寒則腸中雷鳴泄青白之利而發於氣水根在大

腸方見治
水篇中

大腸絕不治何以知之泄利無度利絕則死

手陽明之脉起於大指次指之端外側循指上廉出合
谷兩骨之間上入兩筋之中循臂上廉上入肘外廉循
臑外前廉上肩出髃骨之前廉上出柱骨之會上下入
缺盆絡肺下膈屬大腸其肢者從缺盆直而上頸貫頰
入下齒縫中還出俠口交人中左之右右之左上俠鼻
孔是動則病齒痛頰腫是主津所生病者目黃口乾鼻
衄喉痺肩前臑痛大指次指痛不用氣盛有餘則當脉

所過者熱腫虛則寒慄不復盛者則人迎大三倍於寸口虛者則人迎反小於寸口也

大腸虛實第二

脉方
灸法

大腸實熱

右手寸口氣口以前脉陽實者手陽明經也病苦腸滿善喘欬面赤身熱喉咽中如核狀名曰大腸實熱也
生薑泄腸湯治大腸實熱腹脹不通口為生瘡者方

生薑

橘皮

青竹茹

黃芩

梔子仁

白朮 各三兩

桂心 一兩

茯苓

芒硝

各二兩

生地黄

十兩

大棗

十四枚

右十一味以水七升煮取三升去滓下芒硝分二服

治腸中臃脹不消方

灸大腸輸四十九壯

大腸有熱腸鳴腹滿俠臍痛食不化喘不能久立巨虛

上廉主之

大腸虛冷

右手寸口氣口以前脉陽虛者手陽明經也病苦胃中
喘腸鳴虛渴脣乾目急善驚泄白名曰大腸虛冷也

黃連補湯治大腸虛冷痢下青白腸中雷鳴相逐方

黃連兩四

茯苓

芩藟各三兩

酸石榴皮五片伏龍肝雞子大一枚

地榆五兩

右六味以水七升煮取二升半去滓下伏龍肝末分

三服

治腸中雷鳴相逐痢下方

灸承滿五十壯穴在俠巨關相去五寸巨關在心下一寸灸之者俠巨關兩邊各二寸半

治腸中常鳴時上衝心方

灸臍中

食飲不下腹中雷鳴大便不節小便赤黃陽綱主之
腹脹腸鳴氣上衝胃不能久立腹中痛濯濯冬日重感
於寒則泄當臍而痛腸胃間遊氣切痛食不化不嗜食
身腫俠臍急天樞主之腸鳴而痛溫留主之

肛門論第三

論曰肛門者主大行道肺大腸候也號為通事令史重
十二兩長一尺二寸廣二寸三分應十二時若臟傷熱
則肛門閉塞大行不通或腫縮入生瘡若腑傷寒則肛
門開大行洞寫肛門凸出良久乃入熱則通之寒則補
之虛實和平依經調理方見別卷中

皮虛實第四
論方

論曰夫五臟六腑者內應骨髓外合皮毛膚肉若病從

外生則皮毛膚肉關格強急若病從內發則骨髓痠疼
然陰陽表裏外皮內髓其病源不可不詳之也皮虛者
寒皮實者熱凡皮虛實之應主于肺大腸其病發於皮
毛熱則應臟寒則應腑

蒴藿蒸湯治皮虛主大腸病寒氣關格方

蒴藿根葉升切三

菖蒲葉升切二

桃葉皮枝升剉三

細糠斗一 秫米升五

右五味以水一石五斗煮取米熟為度大盆器貯之

於盆上作小竹牀子罩盆人身坐牀中四面周迴將
蓆薦障風身上以衣被蓋覆若氣急時開孔對中泄
氣取通身接汗可得兩食久許如此三日蒸還溫藥
足汁用之若盆裏不過熱盆下安炭火非但治寒但
是皮膚一切勞冷悉皆治之

梔子煎治皮實主肺病熱氣方

梔子仁

枳實

大青

杏仁

柴胡

芒硝

各二兩

生地黃

淡竹葉

切各一升 生玄參 五兩

石膏

八兩

右十味以水九升煮取三升去滓下芒硝分為三服

欬嗽第五

論證 方 灸法

論曰經云五臟六腑皆令欬肺居外而近上合於皮毛
皮毛喜受邪故肺獨易為欬也邪客於肺則寒熱上氣
喘汗出欬動肩背喉鳴甚則唾血肺欬經久不已傳入
大腸其狀欬則遺糞腎欬者其狀引腰背痛甚則欬涎
腎欬經久不已傳入膀胱其狀欬則遺尿肝欬者其狀

左脇痛甚者不得轉側肝欬經久不已傳入膽其狀欬則清苦汁出心欬者其狀引心痛喉中介介如梗甚者喉痺咽腫心欬經久不已傳入小腸其狀欬則失氣脾欬者其狀左脇痛陰陰引肩背甚者不得動動則欬劇經久不已傳入胃其狀欬而嘔嘔甚則長蟲出久欬不已三焦受之三焦欬之狀欬而腸滿不能飲食此皆衆於胃關於肺使人多涕唾而面浮腫氣逆也右順時有風寒冷人觸胃解脫傷皮毛間入腑臟為欬上氣如此

也有非時忽然暴寒傷皮膚中與肺合則欬嗽上氣或
胃脇又痛欬唾有血者是其熱得非時之寒暴薄之不
得漸散伏結深喜肺癰也因欬服溫藥欬尤劇及壯熱
吐膿血汗出惡寒是也天有非時寒者急看四時方也
問曰欬病有十何謂也師曰有風欬有寒欬有肢欬有
肝欬有心欬有脾欬有肺欬有腎欬有膽欬有厥陰欬
問曰十欬之證以何為異師曰欲語因欬言不得竟謂
之風欬飲冷食寒因之而欬謂之寒欬心下堅滿欬則

肢痛其脉反遲謂之肢欬欬則引脇下痛謂之肝欬欬而唾血引手少陰謂之心欬欬而涎出續續不止引小腹謂之脾欬欬引頸項而唾涎沫謂之肺欬欬則耳無所聞引腰并臍中謂之腎欬欬而引頭痛口苦謂之膽欬欬而引舌本謂之厥陰欬風欬者不下之寒欬肢欬肝欬刺足太衝心欬刺手神門脾欬刺足太白肺欬刺手太泉腎欬刺足太谿膽欬刺足陽陵泉厥陰欬刺手

太陵

夫久欬為痰欬而時發熱脉在九菽一作者非虛也此為胷中寒實所致也當吐之

夫欬家其脉弦欲行吐藥當相人強弱而無熱乃可吐耳欬家其人脉弦為有水可與十棗湯下之下方見不能

臥出者陰不受邪故也留飲欬者其人欬不得臥引項上痛欬者如小兒掣縱狀夫酒客欬者必致吐血此坐久極飲過度所致也其脉沉者不可發汗久欬數歲其脉弱者可治實大數者死其脉虛者必善冒其人本有

支飲在胃中故也治屬飲家上氣汗出而欬屬飲家欬而小便利若失溺不可發汗汗出即厥逆冷

夫病吐血喘欬上氣其脉數有熱不得臥者死寒家欬而上氣其脉數者死謂其人形損故也脉大而散散者為氣實而血虛名曰有表無裏上氣面肘腫肩息其脉浮大不治加痢尤甚上氣躁而喘者屬肺脹欲作風水發汗愈

小青龍湯治欬逆倚息不得臥方

麻黃

芍藥

細辛

桂心

乾薑

甘草 各三兩

五味子

半夏 各半升

右八味㕮咀以水一斗先煮麻黃減二升去上沫乃

內諸藥煮取三升去滓分三服弱者服半升若渴去

半夏加括蕪根三兩若微痢去麻黃加菴花如雞子

大若食飲噎者去麻黃加附子一枚若小便不利小

腹滿者去麻黃加茯苓四兩若喘者去麻黃加杏仁

半升

青龍湯下已多唾口燥寸脉沉尺脉微手足厥逆氣從
 小腹上衝胃咽手足痺其面翕熱如醉狀因復下流陰
 股小便難時復冒者與茯苓桂心甘草五味子湯治其
 氣衝方

茯苓四兩

桂心

甘草各二兩

五味子半升

右四味咬咀以水八升煮取三升去滓分三服溫服
 衝氣即低而反更欬胃滿者用茯苓甘草五味子去桂
 心加乾薑細辛以治其欬滿方

茯苓

四兩

甘草

乾薑

細辛

各三兩

五味子

半升

右五味㕮咀以水八升煮取三升去滓温服半升日

三

欬滿即止而更復渴衝氣復發者以細辛乾薑為熱藥也服之當遂渴而渴反止者為支飲也支飲法當冒冒者必嘔嘔者復內半夏以去其水方

半夏

五味子

各半升

茯苓

四兩

細辛

乾薑

甘草 各二兩

右六味㕮咀以水八升煮取三升去滓温服半升日

三

水去嘔止其人形腫者應內麻黃以其人遂痺故不內

麻黃內杏仁方

杏仁

五味子

半夏 各半升

茯苓 四兩

細辛

乾薑

甘草 各三兩

右七味㕮咀以水一斗煮取三升去滓温服半升日

三若逆而内麻黄者其人必厥所以然者以其人血
虚麻黄發其陽故也

若面熱如醉此為胃熱上衝熏其面加大黄利之方

大黄

乾薑

細辛

甘草

各三兩

茯苓

四兩

五味子

半夏

杏仁

各半升

右八味㕮咀以水一斗煮取三升去滓温服半升日

三

欬而上氣肺脹其脉浮心下有水氣脇下痛引缺盆設

若有實者必躁其人常倚伏小青龍加石膏湯主之之

方

石膏

乾薑

桂心

細辛各二兩

芍藥

甘草各三兩

麻黃四兩

半夏半升

五味子一升

右九味呔咀以水一斗先煮麻黃減二升下藥煮取

二升半強者服一升羸者減之小兒四合仲景用治肺脹欬而

上氣煩躁而喘脉浮者心下有水外臺同

澤棗湯治上氣其脉沉者方

澤棗

三斤細切以東流水五斗煮取一斗五升去滓澄清

半夏半升

生薑

紫苑

一作紫參

白前

各五兩

黃芩

甘草

桂心

人參

各三兩

右九味內澤棗汁中煮取五升每服五合日三夜一

麥門冬湯下氣止逆治大逆上氣咽喉不利方

麥門冬汁

三升半夏一升

粳米

三合

人參

甘草

各二兩

大棗

二十枚

右六味以水一斗二升煮取六升去滓每服半升日

三夜一

射干麻黃湯治欬而上氣喉中如水雞聲者方

射干

細辛

款冬花

紫苑

各三兩

麻黃

生薑

各四兩

大棗

七枚

半夏

五味子

各半升

右九味㕮咀以東流水一斗二升先煮麻黃去上沫

內藥煮取三升去滓分三服日三

厚朴麻黃湯治欬而大逆上氣胃滿喉中不利如水雞聲其脉浮者方

厚朴

五兩

麻黃

四兩

石膏

細辛

乾薑

各二兩

小麥

一升

杏仁

半夏

五味子

各半升

右九味㕮咀以水一斗二升煮小麥熟去麥內藥煮

取三升去滓分三服日三

麻黃石膏湯治上氣胸滿者方

麻黃四兩

石膏

一枚雞子大

厚朴五兩

小麥一升

杏仁半升

右五味以水一斗先煮小麥熟去之下藥煮取三升

去滓分三服

深師用治久逆上氣喉中如水雞鳴名小投杯湯欬者加五味子半夏各半升

乾薑三累

皂莢圓治欬逆上氣時時唾濁但坐不得臥方

皂莢八兩為末蜜丸如梧子大以棗膏和湯服三丸

日三夜一

必效方以酥炙皂莢

十棗湯夫有支飲家欬煩胃中痛者不卒死至一百日
一歲可與此方

大棗十枚

大戟

甘遂

芫花各等分

右大戟甘遂芫花搗為末以水一升五合煮棗取八
合去滓內藥末強者一錢七羸者半錢頓服之平旦
服而不下者平旦更加藥半錢下後自然補養

欬而引脇下痛者亦十棗湯主之

方見前

溫脾湯治食飽而欬者方

甘草四兩

大棗二十枚

右二味咬咀以水五升煮取二升分三服温服之若

咽中痛而聲鳴者加乾薑一兩

百部根湯治嗽不得臥兩眼突出方

百部根

生薑各一斤

細辛

甘草各三兩

貝母

五味子

白朮各二兩

桂心四兩

麻黃六兩

右九味咬咀以水一斗二升煮取三升去滓分三服

古今錄驗用杏仁
四兩紫莞三兩

海藻湯治欬而下利胃中痞而短氣心中時悸四肢不
欲動手足煩不欲食肩背痛時惡寒方

海藻

四兩

五味子

半夏

各半升

生薑

一兩

細辛

二兩

茯苓

六兩

杏仁

五十枚

右七味咬咀以水一斗煮取三升去滓分三服日三
一方無五味子生薑

白前湯治水欬逆上氣身體浮腫短氣脹滿晝夜倚壁

不得臥咽中作水雞鳴方

白前

紫苑

半夏

大戟

各二兩

右四味咬咀以水一斗浸一宿明旦煮取三升分三

服

治九種氣嗽欲死百病方

乾薑

半夏

細辛

紫苑

吳茱萸

菴花一作芫花

茯苓

甘草

甘遂

防葵

人參

烏頭

大黃

杏仁各一分

葶藶二分

巴豆

厚朴

白薇各三分

五味子

遠志

前胡

菖蒲

枳實

蜀椒

皂莢

當歸

大戟

桂心各半分

右二十八味為末蜜丸如梧子大先食服二九日三服以知為度不知增之

麻黃散治上氣嗽方

麻黃半斤

杏仁百枚

甘草三兩

桂心一兩

右四味治下篩別研杏仁如脂內藥末和合臨氣上
 時服一方寸匕食久氣未下更服一方寸匕可至三
 匕氣發便服即止一方去桂心甘草

太醫令王叔和所撰御服蜀椒圓治上氣欬嗽甚良方

蜀椒

五分

烏頭

杏仁

菖蒲

礬石

一云礬石

皂莢

各一分

細辛

款冬花

紫苑

乾薑

各三分

吳茱萸

麻黃

各四分

右十二味為末蜜丸如梧子大暮臥吞二丸治二十

年久嗽不過二十九

通氣圓治久上氣欬嗽咽中腥臭虛氣攪心痛眼疼耳
中嘈嘈風邪毒症時氣食不生肌胃中膈塞嘔逆多唾
惡心心下堅滿飲多食少惡症淋痛病方

飴糖

升三

蜀椒

升二

杏仁

升一

蜈蚣

節五

大附子

枚五

乾薑

人參

各四

桂心

分六

烏頭

分七

天門冬

分十

右十味為末別治杏仁如脂稍稍內藥末搗千杵烺

糖乃內藥末中令調和含如半棗一枚日六七夜三四服以胸中溫如度若夢與鬼交通及飲食者全用蜈蚣食不消加杏仁五合小腹急腰痛加天門冬杜仲有風加烏頭三枚附子一枚立夏後勿加也有留飲加葶藶一兩

治欬嗽上氣方

蜀椒

桂心

海蛤

昆布

各四分

海藻

乾薑

細辛

麥門冬

各六分

十分

右八味為末蜜丸梧子大飲服十九加至二十九日
三服有人風虛中冷胃中滿上氣喉中如吹管聲吸
吸氣上欲欬服此方得瘥

治欬嗽胃脇支滿多唾上氣方

礬石一作礬石

烏頭一方不用

菖蒲各一分

細辛

黃環各二分

欵冬花

紫苑

杏仁各三分

吳茱萸四分

乾薑五分

蜀椒合五分

右十一味為末蜜丸梧子大每服一九著牙上咽汁

日五六服劇者常含不止

又方薑汁一升半

砂糖五合

右二味先煎薑汁減半內糖更煎服之

又方白糖五分

皂莢末一方寸匕

右二味先微暖糖令消內皂莢末合和相得丸如小

豆先食服二丸

又方酒一升半浸肥皂莢兩挺經宿煮取半升分三服

七日忌如藥法若吐多以酢飯三四口止之

又方巴豆炮去皮勿傷破肉白飲吞下初日二枚二日
三枚

又方服芥子七丸以油酒下之

射干煎治欬嗽上氣方

生射干

款冬花

各二兩

紫苑

細辛

桑白皮

附子

甘草

各二分

白蜜

竹瀝

生薑汁

各一升一云乾薑五兩

飴糖

五兩

右十一味以射干先內白蜜并竹瀝中煎五六沸去

之咬咀六物以水一升合浸一宿煎七上七下去滓
乃合飴薑汁煎如餠服如酸棗一九日三劑者夜二
不止加之以止為度

杏仁煎治冷嗽上氣鼻中不利方

杏仁五合

五味子

款冬花各三合

紫苑

乾薑各二兩

桂心三兩

甘草四兩

麻黃一升

右八味以水一斗煮麻黃取四升治諸藥為末又內
膠飴半斤白蜜一斤合內汁中攪令相得煎如飴先

食服如半棗許日三服不知加之以知為度

又方治忽暴嗽失聲語不出方

杏仁

薑汁

砂糖

蜜

各一升

五味子

紫苑

各三兩

通草

貝母

各四兩

桑根白皮

五兩

右九味咬咀以水九升煮取三升去滓內杏仁脂薑

汁蜜糖和攪微火煎取四升初服三合日再夜一後

稍加

通聲膏方

五味子

款冬花

通草各三兩

人參

細辛

青竹皮

桂心

菖蒲各二兩

杏仁

薑汁各一升

白蜜二升

棗膏三升

酥五升

右十三味咬咀以水五升微火煎三上三下去滓內

薑汁棗膏酥蜜煎令調和酒服棗大一丸

杏仁飲子治暴熱嗽方

杏仁四十枚

紫蘓子一升

橘皮一兩

柴胡四兩

右四味㕮咀以水一斗煮取三升分三服常作飲服

蘓子煎治上氣欬嗽方

蘓子

生薑汁

地黄汁

白蜜

杏仁各二升

右五味搗蘓子以地黄汁薑汁澆之以絹絞取汁更

搗以汁澆又絞令味盡去滓熬杏仁令黃黑治如脂

又以向汁澆之絹絞往來六七度令味盡去滓內蜜

合和置銅器中於湯上煎之令如飴每服方寸七日

三夜一崔氏無地黃汁

又方乾薑末

三兩

膠飴

一斤

右二味和令調蒸五升米下冷以棗大含稍稍咽之

日五夜二

芫花煎治新久嗽方

芫花

乾薑

各二兩

白蜜

二升

右三味為末內蜜中令相和微火煎令如糜每服如

棗核大一枚日三夜一以知為度欲利者多服以深治師

冷飲嗽又治三十年久嗽者以水五升煮芫花取三升去滓內薑加蜜合煎如糜服之

欵冬煎治同前

欵冬花 乾薑末 紫苑各三兩 五味子二兩

芫花一兩 燹令赤

右五味咬咀先以水一斗煮三味取三升半去滓內

芫花乾薑末加蜜三升合投湯中令調於銅器中微

火煎令如糖每服半棗許日三

治三十年欬嗽或飲或欬寒氣嗽雖不同悉主之方

細辛

欬冬花

防風

紫苑

各三兩

藜蘆

二兩

蜀椒

五合

右六味咬咀取藜蘆先著銅器中次紫苑次細辛次

欬冬花次椒以大棗百枚間著諸藥間以水一斗二

升微火煮令汁盡出棗曝令燥雞鳴時服半棗不知

明旦服一枚以胃中溫溫為度若強人欲嗽吐者方

小增服之便吐膿囊裹結吐後勿冷飲食欬愈止藥

藥勢靜乃食不爾令人吐不已

治三十年久嗽方

百部根二十斤搗取汁煎如飴服一方寸七日三服

外臺和飴一斤煎成煎以温粥飲調下深
師方以白蜜二升更煎五六沸服三合

又方紫菀二兩

欵冬花三兩

右二味治下篩先食飲服一方寸七日三服七日瘥

又方白蜜一斤

生薑二斤
取汁

右二味先秤銅銚知斤兩訖內蜜復秤知數次內薑

汁以微火煎令薑汁盡惟有蜜斤兩在止旦服如棗
大含一九日三服禁一切雜食

治久嗽不瘥方

兔屎

四十九枚

礪砂

二分

胡桐律

一分

右三味為末蜜和丸如梧子大每服三丸以粥飲下
日三吐冷物盡即瘥

治積年欬嗽喉中呀聲一發不得坐臥方

紫苑

貝母

半夏

桑根白皮

五味子

射干

百部各五分

款冬花

皂莢

乾薑

橘皮

鬼督郵

細辛各四分

白石英

杏仁各八分

蜈蚣二枚

右十六味為末蜜和丸如梧子大飲服十九日再稍

加至二十九

崔氏無半夏射干乾薑橘皮鬼督郵細辛白石英用麻黃二兩芫根白皮一兩

半以煮棗湯送下

款冬圓治三十年上氣欬嗽唾膿血喘息不得臥方

款冬花

乾薑

蜀椒

吳茱萸

桂心

菖蒲

各五分

人參

細辛

菟花

紫苑

甘草

桔梗

防風

芫花

茯苓

皂莢

各三分

右十六味為末蜜丸如梧子大酒服三九日三服

又方

欵冬花

紫苑

細辛

石斛

防風

芫蕒

人參

當歸

藁本

甘草

蜀椒

白朮

半夏

天雄

菖蒲

鍾乳

桂心

麻黃各三兩

獨活二兩

烏頭

芫花

附子各一兩

桃仁二十枚

大棗二十枚

右二十四味為末蜜丸如梧子大酒服二十九日二服不止加之酒漬服亦得

又方

款冬花

乾薑

桂心

紫苑各三分

細辛二分

杏仁

皂莢

礬石一作礬石

菖蒲

烏頭各一分

蜀椒合五

吳茱萸合六

右十二味為末蜜丸如梧子大酒服五丸日三夜一

二十年嗽不過五十日愈患欬嗽喉鳴上氣服一劑

永瘥

治肺傷欬唾膿血腸澀背氣不能食惡風目暗眩足

脛寒冷方

白膠

生薑各五兩

桂心

人參

紫苑各二兩

大棗二十枚

乾地黄切半升

桑白皮切二升 芎藭

大麻仁

飴糖各一升

大麥三升

右十二味咬咀以水一斗五升煮麥取一斗去麥下

藥者取三升分五服

五味子湯治唾中有膿血牽胃脇痛方

五味子

桔梗

紫菀

甘草

續斷各二兩

竹茹三兩

赤小豆一升

桑根白皮

地黃各五兩

右九味咬咀以水九升煮取二升七分合分為三服

竹皮湯治欬逆下血不息方

生竹皮

三兩

紫苑

二兩

飴糖

一斤

生地黄

升切一

右四味咬咀以水六升煮取三升去滓分三服

百部圓治諸嗽不得氣息唾膿血方

百部根

三兩

升麻

半兩

桂心

五味子

甘草

紫苑

乾薑

各一兩

右七味為末蜜和丸如梧子大每服三九日三以止
為度

治上氣欬嗽喘息喉中有物唾血方

生薑汁

杏仁各二升

糖

蜜各一升

猪膏二合

右五味先以猪膏煎杏仁色黃出之以紙拭令淨擣
如膏合薑汁糖蜜等合煎令可丸每服如杏核一枚
日夜六七服漸漸增加

治一切肺病欬嗽膿血及唾血不止方

好酥三十斤三遍鍊停取凝當出醍醐服一合日三服瘥止一切藥皆不出此神方

又方三鍊酥如雞子黃適寒溫灌鼻中日再夜一

鍾乳七星散治寒冷欬嗽上氣胸滿唾膿血方

又名吸散

鍾乳

礬石

欬冬花

桂心

各等分

右四味治下篩作如大豆七聚七星形以小筒吸取酒送下先食服日三不止加之數試大驗又云臨并

吸服之

又方鍾乳

細辛

欬冬花

天雄

紫苑

石膏各等分

右六味治下篩取如大豆七聚如前法吸之日二只得食粥七日嗽愈乃止若大豆聚不知小益之勿太多

七星散治三十年欬嗽方

欬冬花

紫苑

桑根白皮

代赭

細辛

伏龍肝各一兩

右六味治下篩作七星聚聚如菟豆者以竹筒口當藥上一一吸咽之令藥入腹中先食日三丸服四日
日復作七星聚以一臠肉炙令熟以展轉藥聚上令藥悉徧肉上仰臥咀嚼之細細咽汁令藥力歆歆割割然毒氣入咽中藥力盡總咽却取瘥止未瘥復作如初羊牛鹿肉皆可猪肉不可用

治嗽熏法

以熟艾薄薄布紙上紙廣四寸後以硫黃末薄布艾
上務令調均以荻一枚如紙長捲之作十枚先以火
燒纏下去荻煙從孔出口吸煙咽之取吐止明旦復
熏之如前日一二止自然可瘥得食白粥餘皆忌恐
是熏黃如硫黃見火必焰矣

又方熏黃一兩研令細以蠟紙并上熏黃令與蠟相入
調勻捲之如前法熏之亦如上法日一二止以吐為度
七日將息後以羊肉羹補之

又方爛青布廣四寸布上布艾艾上布青礬末礬上布少熏黃末又布少鹽又布少豉末急捲之燒令著內燥罐中以紙蒙頭更作一小孔口吸取煙細細咽之以吐為度若心胃悶時畧歇煙盡止日一二度用三捲不盡瘥三七日慎油膩

論曰凡上氣多有服吐藥得瘥亦有針灸得除者宜深體悟之

灸法

嗽灸兩乳下黑白際各百壯即瘥 又以蒲當乳頭周

匝圍身令前後正平當脊骨解中灸十壯 又以繩橫

量口中折繩從脊灸繩兩頭邊各八十壯三報三日畢

兩邊者是口合度 灸從大椎數下行第五節下第六

節上穴在中間

此即神道穴

隨年壯并主上氣 灸手屈臂

中有橫文外骨捻頭得痛處十四壯良

上氣欬短氣氣滿食不下灸肺募五十壯 上氣欬

逆短氣風勞百病灸肩井二百壯 上氣短氣欬逆胃

背痛灸風門熱府百壯 上氣欬逆胃滿短氣牽背痛

灸巨闕期門各五十壯 上氣欬逆短氣胃滿多唾唾

惡冷痰灸肺輸五十壯 上氣胃滿短氣欬逆炎雲門

五十壯 上氣欬逆胃痺背痛炎胃堂百壯不針 上

氣欬逆炎直中五十壯 上氣氣閉欬逆咽冷聲破喉

猜猜灸天瞿五十壯 一名天突

逆氣虛勞寒損憂恚筋骨攣痛心中欬逆泄注腹滿喉

痺頸項強腸痔逆氣痔血陰急鼻衄骨痛大小便澀鼻

中乾煩滿狂走易氣凡二十二病皆炎絕骨五十壯穴
在內踝上三寸宛宛中



備急千金要方卷五十七

總校官中書臣朱 鈐

校對官中書臣胡紹基

謄錄監生臣張若湘